

## Kollegieni malittarisassat

1. Ineqatinut sulisunullu siorasaarineq annersaanerluunniit **ingerlaannartumik anisitaanermik kinguneqassaaq.**
2. Ikiaroornartumik atuineq pigisaqarnerluunniit **ingerlaannartumik anisitaanermik kinguneqassaaq.**
3. Tillinneq aserorterinerluunniit allakkatigut mianersoqqusummik akiligassin-neqarnermillu kinguneqassaaq. **Sakkortuuliorsimasoqartillugu ingerlaannartumik anisitaanermik kinguneqarsinnaavoq.**
4. - **18-ileereersimasut:** Ineqartoq inimini imigassartorsinnaavoq. Kisianni pulaartoqarluni imigassamik aalakoornartortalimmik imeqqusaanngilaq. Kollegiemi festertoqaqqusaanngilaq nangikkiartoqarsinnaanngilaq.  
**18-t inorlugit ukiullit:** Kollegieni imigassamik toqqortaateqaqqusaanngillat imeqqusaanatillu.
5. Aallaasinik inigisamiititaqarneq inerteqquataavoq.
6. Uumasuuteqarneq kollegiene inerteqquataavoq
7. Nipilorneq nal.23.00 killeqarpooq.  
**Pulaartut ineqartunut akornusersuissanngillat, pulaartut kingusinnerpaamik nal.23:00 anereersimassapput**
8. Tukkutitsineq pisinnaavoq aatsaat kollegiene nakkutilliisoq isumaqatigeqqaar-lugu. **18-t inorlugit ukiullit tukkussagunik angajoqqaat akuersiteqqaassavaat.**
9. Kollegieni najugallit pisussaaffeqarput ineqatigiit ataatsimiinneranni eqqiaaqatiginnermilu peqataassallutik. **Uani pineqanngillat kursusertut**
- 10.A Kollegienut iserternermi tunniunneqartarpoq matuersaat. Matuersaammik katatsigaanni pisisoqarsinnaavoq akiliilluni 200,00kr.-imik. Ineeqqap qimanneratigut pisussaaffiuvoq ineeqqap eqqiarnissaa, matuersaallu utertillugu.  
**Erseqqissaassutigineqassaaq, weekend-imi matuersaammik katatsisimaguit, aatsaat kollegiap allaffia ammarpat ataasinngornermi matuersaammik tunineqarsinnaagavit.** Matumik ammaatitinneq 250 .kr-eqarpoq.
- 10.B Kolligiami najugaqartut allaffik avaqqullugu iniminnik paarlaccoqqusanngillat, paarlakkusukkuit allaffimmut saaffiginneqqaarlutit.  
(*Tamanna isumannaallisaanermik peqquiteqarpoq*)
11. **Pujortarneq kollegieni najugaqarfinni tamani inerteqquataavoq.**
12. Ilinniartut ineqarfianni najugaqartup attartornini atorunnaarsissinnaavaa sivikinnerpaamik qaammat ataaseq sioqqullugu, qaammatip naanissaanut allakkatigut ilimasaarereernermigut, attartorneq pillugu isumaqatigiisummi sivikinnerusumik piffissaliussilluni ilimasaarioqarnissaanik allassimasoqanngippat.

Qulaani pineqartunut unioqquitinnerini ukuusut: 3, 4, 5, 6, 7, 8, 9 kiisalu 11 kingunerisinnaavaa oqaatsitigut mianersoqqusut.

Unioqquitseqqinnermi allakkatigut mianersoqqusineq, **unioqquitseqqikkaanni anisitaanermik kinguneqassaaq.**



## Kollegieni malittarisassat

**(Immikkut pisoqartillugu anisitaaneq piffissamik aalajangersimasumik killilerneqarsinnaavoq)**  
kiisalu innersunneqarsinnaavoq Ilanniartut ineqarfii pillugit Inatsisartutinatsisaat nr.42, 12.december 2019-imeersoq.

Akisussaaqataaneq najugaqatigiinni atuutsineqassaaq, tassani pineqarpoq eqqiaanermut peqataasarneq inini ataatsimoorussani pisuusaaffiummat. **Uani pineqanngillat kursusertut**

Malittarisassat najugartutut pisussaaffiusut naammassinngikkaani, kinguneqarsinnaavoq naggaterpiaani inissaarulluni, namminerlu inissamik ujartuisariaqalerluni, ilinniagaqarneq ingerlatiinnassagaanni.

### **SILLIMMASIINEQ:**

Kollegie taarsiisussaatitaanngilaq. Taamaammat sillimasersimanngikkuit imaluunniit angajoqqaavit sillimasersimancerannut ilaangikkuit pingaaruteqarpoq atuarnerpit nalaani sillimasersimanissat.

### **INEEQQAT:**

Ineeqqavut pisatai illit nammineq akisussaaffigaatit. Atuarnerpit naanerani pisattat amigaateqassagaluarpata pisussaatitaavutit amigaataassut taarsissallugit. **Eqqaamajuk** atuarnerpit nalaani ineeraq taamaallaat attartorakku

### **ISERSIMAARTARFIIT:**

Najugaqarfissinni ataatsimoorluni isersimaartarfiit akisussaaqqataaffigaasi, taamatullu aamma kantiinami isersimaartarfik. Eqqaamallugu najugaqarfissinni aserukkat suugaluartut tamarmik pedelimit ingerlaannartumik nalunaarutigisassagassigit.

Isersimaartarfik kantineqarfimmiittoq ammasarpoq nal. 23:00 tungaanut

### **ERRORSISARFIK:**

Errorsisarfik kantiinap kælderianiippoq – **ilisimatitsissugissavarput Ineqarfii nutaat errorsiveqareermata. Errorsineq akeqanngilaq**

**Kælderimi errorsiniaraanni 16.00-22.00 akornanni errorsisoqarsinnaavoq.**

**Weekendini 8.00-22.00 akornanni errorsisoqarsinnaavoq.**

**Eqqaamaguk** illit nammineq atisatit akisussaaffigigakkit.

### **QQORUTINIK ALLARUTINIK ASSIGISAANILLU TAARSIISITSISARNEQ:**

Erseqqissaassutigineqassaaq **kursusertut** kisimik oqorutinik allarutinillu taarsiisitsisinnaammata sivikinnerusumik maaniinnissartik pissutigalugu.

**Ilinniartullu** nammineerlutik oqorutitik allarutitillu errortartussaavaat, taamaallaallu erruinermut allarutit, erruutit asaatillu taarsersinnaavaat aammalu eqqiaanermut atortut assigisaallu amigaatigunikkit pisinnaallugit.

### **AALLARFISSAT / TIKIFFISSAT:**

Teknikimik Ilinnifarimi atuartut siullermeerlutik tikittussat kisimik aaneqartarput aammalu 18-t inorlugit ukiullit pikkorissartut aaneqarlutillu aallariartuunneqartarput.

### **QULARNAVEEQQUSIINEQ:**

Kollegienut isertinninginnermi qularnaveeqqusiissut atorunnaarpoq.

Eqqiaanani inigisaq qimakkaani akiligassiisoqassaaq inummut ataatsimut 850,00 kr.

Taamatullu aseruisimagaanni aamma akiligassineqassaaq aserukkap nalinganut.

Utaqqisinnanngitsumik pinartumik pisoqartillugu pigaartoq sianerfigineqarsinnaavoq:

**Vagt Mobil. nr.: 53 05 48**